

而忽略其理論。攻訐中醫者僅指摘其理論。而抹煞其事實。理論與事實。一爲因。一爲果。亦猶車之兩輪。左右扶持。論者不別涇渭。併爲一談。最爲大誤。今人常蹈此弊。致多意氣之爭。戶與本題無補。要知學術無國界祇有合理與不合理之可分。斷無親仇之可語。是者是之。非者非之。中醫之學理雖不健全。而其藥驗資料。固不可抹殺也。新醫之科學的治學方法。則較中醫實勝一籌。是故國人之治中醫者。惟有科學的方法改革其數千年來抽象玄妙之學理。整理其藥驗資料。實爲根本之工作也。中醫固無所謂興廢。將來之趨勢。必然採取物理化學之診斷。一望苔一按脈。一霎間而卽定病名之現象。恐在不久之將來必有感覺不足之一日。模糊抽象不切實際之說理。亦必遭稍明事理者所呵斥。所以今後之中醫界。對於中醫學術應具懷疑之態度。大疑則大進。小疑則小進。不疑則不進。古有明訓。奧妙之氣化論。在未有具體的明白證明之前。勿必放言高論。而對於科學化之醫理亦應虛心研究也。

二、十七、醫政學院

# 古本傷寒雜病論之神話

張贊臣

湖南有古本傷寒雜病論之發行。謂爲長沙舊文。余聞而喜之。及讀之。其文句不類。疑竇遂開。再翻閱其序文。疑竇愈深。茲摘錄劉仲邁、劉崑湘二君之言如下。

劉仲邁云。古本傷寒雜病論者。今之壁經。而長沙之舊文也。同邑宗人崑湘先生。初受書隱君子張老。以轉授余。其後十餘年。一日。崑湘示張老寄余書云。且來。約以時相見。因偕湘如期造詣。遂得受教於逆旅中。自是數年。時往來於洞庭湘水之間。請益析疑。章疏句櫛。尋波討源。結轍盡解。一日。忽將別去。涕泣請留。不得。殷勤付囑。……遂不復見。劉崑湘序云。……漫遊江西。於山谷中。遇一人曰張老。皓首而丹顏。迥然類有道者。卽與傾談。遂及醫術。質以平生疑惑。應口疏通。余大駭服。張老亦深喜余精審善問。且曰。吾樂山林。不與人接久矣。余有古本傷寒雜病論。與世所傳異。長沙舊文也。目前無有授者。今以授君……余得此書……未嘗輒以示人。人亦固有所習。自不省也。惟吾友劉君仲邁一見而嘆爲千古奇書。……吾兩人者。朝讀而暮思。欲遂窮其底蘊。往往窒極而遂通。若有鬼神者爲之助焉……以上二文。照原句摘下。謹讀之後。恍類神話。湖南爲辰州符之產地。江西又爲張天師之所居。神話之產生。原無足怪。惜兩人執筆記載此神話之時。未曾斟酌。記錄既竟。未曾對照。以致自相矛盾。故一則謂受教於逆旅中。請益析疑。而結轍盡解。一則謂兩人者朝讀而暮思。若有神鬼爲之助。同床各夢。謔語各別。西洋鏡因此拆穿。此神話結構之未精者也。

# 學說

## 瘡證之研究

楊彥和

古人之病名。今人不必有其症。而今人之病症。古人未必有其名。陸以湉之冷廬醫話云。『續名醫類案奇疾門。錢國賓論肉行一症。可補瘟疫諸書之缺』云云。然肉行一症。據錢氏謂止於官邸便方。見此異症一款。錢氏之壽世堂醫案則謂明熹宗天啓三年。(西曆一六二三年)一度見於山海關而已。此症在今人視之。亦不過如陳言之三因極一病源論粹方。所載青筋牽、赤脈攢、黃肉隨、白氣狸、黑骨瘡、等疫病。爲醫書上聊備一格。以防或遇是症耳。至若時代之推移。新病遞出。交通之傳染。洋病侵來。前如馬援征交趾而染瘡。近如華北所流行之瘡症。皆是也。粵稽此症。與我國醫籍之所載。似未之前見。爰爲考徵縷述如左。

▲源流 此症自西曆一八七〇年。發見於印度之亞山。既而流行印度其他各地。相繼而至於錫蘭、土耳其、高加索、阿刺伯、小亞細亞、非洲北岸、埃及、等國。以次推沿於歐洲地中海附近各國及諸島。而我國北方。長江迤北。黃海近西。皆其蔓延之地。尤以山東與蘇北爲多。當四十年前。余外祖賀鳳池公。卽以治療瘡症。馳譽於淮北漣泗。至西醫則於一九〇四年。(即遜清光緒三十年)始由德人 Marchand 氏。在北平之德國軍隊中。發現此症。一九〇五年。英人 Aird 氏。在漢口有同樣之發現耳。

▲證候 此症初起。頗似瘧疾。寒熱互作。咳嗆胸悶洩瀉。漸加盜汗。(上半身有汗下半身無汗)腹左有塊。四肢細瘦。腹大漸見。皮薄發光。漸上及於胸部。飲食日減。苔不厚膩。皮色由蒼白黃黯而轉黑。(故西醫稱之爲黑熱病)摸之乾硬而熱。甚且烙手。遍體發紅點。關節及下臂下腿。軀幹以下爲尤多。眼瞼浮腫。鼻中衄血。齒中出血。或竟吐血瀉血。甚且皮膚出血。發現此病原蟲之賴司馬氏。謂係『血中之凝固力減少。故出血不可收拾』。更有因血液變性。與壯熱燔蒸。而成牙疳、白喉、肺癰。及腿足等部。發生潰瘍者。

▲解剖 據西醫之病理解剖。謂脾臟實質變性。作深紅色。結締組織增殖。脾竇強度擴張。其毛細管之內層細胞。亦被原蟲佔據而膨大。肝亦腫大。其細胞亦多為此蟲居處。更至脂肪變性。或硬變性。管形大骨。骨髓亦變深紅色。腸內則有潰瘍。甚至深及腸壁筋肉。

▲脾腫 在患瘧疾者。因瘧蚊叮咬。傳播瘧蟲。蟲進血管。侵入紅血球。漸漸發育。到相當程度。遂割開紅血球。瘧蟲放入血流。當紅血球破開時。病人體內熱度。突然升高。與外間空氣之溫度。相差太遠。故覺空氣寒冷。遂致寒戰。俟體內熱度昇至極點。末梢血管漸漸漲大。皮膚亦漸轉潮紅溫暖。病人遂又覺非常發熱。惟放入血流之瘧蟲。又次第侵入其他紅血球內。俟發育至相當程度。又將此被侵之紅血球剖開。瘧蟲又放入血流。在紅血球破開時。病人又發寒發熱。如此循環不已。病人左肋部底下。漸生硬塊。是名瘧母。俗呼痞塊。在瘧疾初發時。每逢發熱。脾即腫大。熱退即行縮小。此即傷寒論所謂『胸滿脅痛者』。又曰『往來寒熱。胸脅苦滿』者是也。惟至久瘧之後。即不發熱。脾亦腫而不消矣。至瘧蟲侵佔紅血球而破裂之。循環不已。紅血球逐漸為之減少。遂爾變成貧弱。至痞症雖非瘧蟲作祟。而另有其原蟲。然能了解瘧疾之病理。則於痞症脾腫之原因。未始不能舉一以反三也。

▲趨勢 近此病蔓延既廣。當然橫逆之來。不分貧富。且病從口入。富者可講求衛生。而貧者則飢不擇食。致病之機會較多。富者縱攬此患。可延西醫注射特效昭著。價值昂貴之新斯鎊波霜。而貧者既無力請教西醫。即延國醫治療。亦因循作輟。須受支配於其所處之環境。乃坐視病機演進。病竈增劇。以此致命者已多。坐以待斃者尤復不少。以地瘠民貧之區。染百劫莫復之症。外醫尚大聲疾呼。努力拯救。(救富病非救貧病)我國醫藥界。宜如何公開探討。以求特效之治法。宜如何施診給藥。以拯無告之貧民。而地方有司。又宜如何宣傳公共衛生。防止痞症猖獗。與病魔作殊死戰。為貧病開方便門耶。

▲探源 綜此病態。覆按古籍。似尙未曾有。粵稽素問靈樞。難經金匱。亦僅得其近似。與概乎言之而已。擷錄數則。聊以探源。(一)素問至真要大論云。『諸溼腫滿。皆屬於脾。……諸脹腹大。皆屬於熱。……諸病有聲。鼓之如鼓。皆屬於熱』。(二)靈樞脹論云。『肝脹者。脅下滿而痛引小腹。脾脹者。善噦。四肢煩悶。體重不能勝衣。臥不安。』(三)靈樞五變篇云。『人之善病腸中積聚者。何以候之。少俞答曰。皮膚薄而不澤。肉不堅而淖澤。如此則腸胃惡。惡則邪氣留止。積聚乃傷。脾胃之間。寒溫不次。邪氣稍至。稽積留止。大聚乃起』。(四)靈樞百病始生篇云。『厥氣生足悶。悶生脹寒。脹寒則血脈凝滯。血脈凝滯則寒氣上入於腸胃。入於腸胃則腹脹。腹脹則腸外之汁沫迫聚不得散。而積成矣。』(五)難經五十五難曰。『積者五藏所生。聚者六府所成。積者陰氣也。其發有常處。其痛不離其部。上下有所終始。左右有所窮

處。聚者陽氣也。其始發無根本。上下無所留止。其痛無常處』(六)難經五十六難曰。『肝之積名曰肥氣。左脅下如覆杯。有頭足。久不愈。令人發咳逆瘈瘈』。又曰。『脾之積名曰痞氣。在胃腕。覆大如盤。久不愈。令人四肢不收。發黃疸。飲食不爲飢膚』。(七)金匱五臟風寒積聚病脈證篇曰。『諸積大法。脈來沉細而附骨者。乃積也。寸口。和按應作積在胸中。微出寸口。積在喉中。關上。積在臍旁。上關上。積在心下。微下關。積在少腹。尺中。積在氣衝。脈出左。積在左。脈出右。積在右。脈兩出。積在中央。各以其部處之』。(八)金匱水氣病脈證篇曰。『寸口脈沉而遲。沉則爲水。遲則爲寒。寒水相搏。趺陽脈伏。水穀不化。脾氣衰則鶩溏。胃氣衰則身腫。少陽陳念祖以爲右尺唐宗海脈卑。少陰謂左尺唐謂少陰是診足之太谿脈細。男子則小便不利。婦人則經水不通。經爲血。血不利。則爲水。名曰血分』。

▲論治 此證之脾腫。已爲至真要大論『諸濕腫滿。皆屬於脾』之一語道破。至其起因。則有如百病始生篇之所云。五變篇『脾胃之間。寒溫不次』。尤病菌入而乘之之絕好機會。脈論難經。言症狀也。金匱玉函。言脈象也。至其治法。初宜和解。參以運脾。陰虛則發熱也宜清。營血之崩潰也宜斂。閉目則盜汗也宜收。運脾之劑失之剛。則熬成膏滋。消脾之腫佐於外。須貼以膏藥。難經曰。『損其脾者調其飲食。適其寒溫』。尤宜三致意焉。

▲預防 西醫以病菌原蟲爲致病之因。我國有『物必先腐。而後蟲生』之諺。內經有『邪之所湊。其氣必虛』之文。故其人雖素健。而適以起居飲食之不節。病菌乘而盤踞矣。或其人雖素弱。而適以優生保養之得宜。病菌爲所消滅矣。故此病流行區域。有司應向民衆。作衛生之宣傳。行清潔之運動。如慎起居也。潔飲食也。調寒溫也。勤運動也。空氣之流通也。家畜之隔離也。蚊蠅蚤蟲之驅除也。高燥之區。時灑石炭酸水。卑溼之地。常爇白芷薈丸。而我國醫藥界尤不可以其近而忽之也。

## 中西醫學上之所稱傷寒病症名雖同而實不同說

南通陳伯濤

今之言中醫者。有三別焉。一爲守舊派。專門於古書中討生活。一爲維新派。徒迷事新學說之崇尚。此外又有所謂折衷派。意謂中醫西醫。各有短長。去瑕錄瑜。擇善從之。主張將中西醫學。匯通起來。三說中。自以此派爲正當可取。然匯通有匯通之方法。切不可循名失實。例如中醫之傷寒。與西醫之傷寒。二症病名雖同。源流實異。不可誤認中醫之傷寒。爲西醫之傷寒。西醫之傷寒。卽中醫之傷寒也。雖然。吾深恐夫世人之以此而誤會者。諒亦不在少數。考國醫之所謂傷寒。出自內經。分含廣狹二義。廣義之傷寒。凡一切熱病外感。皆包括在內。非本篇範圍內事。茲單就狹義之一方而言。傷寒

[查看完整版](#)

[付费下载](#)



---

## 【百万古籍库】

<https://www.fozhu920.com/list/>

【易】 【医】 【道】 【武】 【文】 【奇】 【画】 【书】

1000000+高清古书籍

[打包下载](#)





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、擒拿、正骨术、汉医、苗医、民间秘方偏方、药酒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、 ...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、 ...



## 【集藏】经史子集库\_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## 【国画】传世名画 \_ 6100 卷

唐、金、辽、宋、元、明、清 800 多位画家近 6000 多幅传世...



## 【县志】方志\地方县志\乡志\地理志\_8100 册

府志、区志、乡志、地理志..... 此合集为全国范围地方县志\府志古籍影印电子版，...



## 【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

**【更多】>> <https://www.fozhu920.com/list/>**